

Guangjisi Minzcu Bau

ganbbau: CN45-0036 B.2014 Nd.12 Ng.24 liggaueq gyapngux nienz ndwenit cosam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3154期

Aen Hoih Gvangjisi Saujsu Minzcu Yijwnz Yozvei Nenzvei Nem Yozsuz Yenzdaujvei Youq Denzdungh Hai

广西少数民族语文学会年会暨学术研讨会在田东召开

Bonjbauq siusik(gicej Yangz Lanzgvei/杨兰桂 sij Vangz Sinh-yungz/黄新荣 ingj) 12 nyied 18 hauh, aen hoih 2013~2014 nienzdox Gvangjisi Saujsu Minzcu Yijwnz Yozvei nenzvei nem yozsuz yenzdaujvei youq Denzdungh Yen ciuhai. Doenghboux lijsw aen yozvei neix, doenghboux minzyij bumwnz veiyenz daibyauij gak si nem yienh(si, gih), doenghboux veiyenz daibyauij Swcigih Minzyijveij nem doenghboux sij lunvwnz daengj gungh 120 vunz camgya.

Gvangjisi Saujsu Minzcu Yijwnz Yozvei veicangj, Swcigih Minzyijveij fucujyin Yangz Gijbyauh

youq gwnz hoih guh gunghcoz baugau. Gij baugau de dauqyawj nem cungigez ndaw nienzdox aen yozvei neix guh yozsuz hozdung nem cingzciik, anbaiz le hong 2015 nienz. 2013~2014 nienzdox, aen yozvei neix cujyau guh le yozsuz yenzdauj nem doxgyau, haeujlaeg diuyenz gih raeuz gij cingzgvang vah saw saujsu minzcu wngqyungh, guh hong ndawbiengz wngqyungh vah saw saujsu minzcu, cizgiz guh hong Swcigih Minzyijveij Minzcu Yijwnz Gunghcoz Conhgyah Camcaz Veijyenzei, bangcoengh banh gak loih beizyinbanh daengj.

Baez hoih neix guh le gij hozdung yenzgiu damqra nem doxgyau

gij hong nem saeh vah saw minzcu, gyoengq veiyenz daibyauij doxcanj hwnj daiz bae gangj. Ndaude, doiq baenzlawz fanhoiz mingzdieg Vahcuengh, saw gwnz baiz gihgvanh nem danhvei, gyoengq veiyenz daujlun gig haenq.

Baez hoih neix soundaej 32 bien lunvwnz. Gij lunvwnz neix gangjlwnh vwndiz gvendaengz hong vah saw saujsu minzcu gih raeuz, naemjap daegbied, yawjap moqsemq, neix doiq gih raeuz guh hong vah saw minzcu miz yungh lai.

Denzdungh Yen Yinzminz Cwngfuj fuyencangj Yez Beiz daengz gwnz hoih gangjavah.



Liujcouh Si Gawjbanh Hozdung Gvaq Aen Singhgiz Daejniemh Saujsu Minzcu Conzdungj Dijyuz

柳州市开展少数民族传统体育项目体验周活动

12 nyied 17 hauh banhaet, Liujcouh Si youq Liujcouh Si Liujyungh Daihsam Siujyoz guh yizsi haidaeuz banh aen hozdung gvaq aen singhgiz daejniemh saujsu conzdungj diyyuz. Gyoengq hagseng ndaw yozyau neix daenj ndangdaenj minzcu moq, angq diuq fouxfaex-saux, daejniemh saujsu minzcu

conzdungj diyyuz, gamjsouh saujsu minzcu vwnzva.

Aen hozdung neix dwg hangh cosih moq Liujcouh Si aeu daeuj baijok vwnzva minzcu. Baez hozdung neix daj 12 nyied 17 hauh daengz 25 hauh, aeu yozyau guh giz sawqniemh, gonqlaeng youq Liujyungh Daihsam Siujyoz, Liujcouh Sawcuengh Yozyau

Fusuz Siujyoz, Liujcouh Saedniemh Gauhcungh, Liujcouh Si Daihbet Cunghyoz, Liujcouh Si Minzcu Gauhcungh nem Liujcouh Si Daihcibhaj Cunghyoz gawjbanh gij hozdung neix, aeu neix daeuj doidoengh saujsu minzcu conzdungj diyyuz ndaej swnjcienz fazcanj.

(Yenz Cinzyinh/颜纯欣)

SIUSIK DINJ

简讯

● Geij ngoenz gonq, daihseiq buek guekgya gaep feihvuzciz vwnzva yizcanj daibyauijsing hanghmoeg mingzloeg nem gya-gvangq hanghmoeg mingzloeg cingqsik gunghbu, gih raeuz gungh miz 12 hangh ndaej senj haeuj bae, ndawde baugvat Sam Nyied Sam Bouxcuengh Vujmingz, goj Buhbwnroeg Bouxcuengh Hwngzen nem Nanzningz Yezgi daengj.

(Nungz Dungh)

● 12 nyied 15 hauh, Cungcoj Si 2014 nienz saujsu minzcu ganbu beizyinbanh youq ndaw si neix siveij dangyau haiban. Baez beizyin neix cujyau beizyin ndaw si, yienh(si, gih) gak danhvei nem ndaw yanghcin(gai) doenghboux gohgiz saujsu minzcu ganbu caeuq doenghboux lingjdauj gak yienh(si, gih). Baez beizyin neix daj 12 nyied 15 hauh daengz 24 hauh.

(Lungz Yenyinh)

● 12 nyied 17 hauh, Cinghsiugih gawjbanh Nanzningz Si minzcu doxgiet cinbu cauxguh liebcunz senhconz lwnhgangj hozdung, ndaw gih neix doenghboux lingjdauj gak cin, gai, Senhhuz Ginhci Gaihfaizgih, gak bumwnz, doenghboux lingjdauj ndaw minzcu doxgiet sifancunh, segih, yozyau daengj gungh 60 lai vunz camgya baez hozdung neix.

(Luz Genhing)

● 12 nyied 16 hauh daengz 18 hauh, Denzlinz Yen gawjbanh vwnzyi guzgan beizyinbanh, gungh banh song ngoenz, aen yienh neix doenghboux vwnzyi guzgan ndaw vwnzyi hidungj gungh 99 boux camgya beizyin.

(fouzmingz)

● Yungzanh Yen Cangzanh Cin Hozcai Cunh Mbanjsuzmuz bouxcoz Vangz Sinliengz bi' gvaq seizcin hainduj youq ranz gag cauxnieb, dajndaem haeuxyangz nem haeuxgwn daengj, bineix ranz de ndaem 10 moux haeuxyangz ndaej fungsou, soundaej haeuxyangz 2500 lai goenggaen, cungjsouhaeuj 6 fanh maenz, cinghsouhaeuj 4 fanh lai maenz.

(Veiz Cujswz Cinz Li)